



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 24. Quesnelli appellatio a summi Pontificis Constitutione ad Concilium  
Generale.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

„pene consummatum, cum quanto Sæc. XVIII.  
 „igitur animi júbilo poterimus desuper A. C. 1717.  
 „nostra miscere colloquia (\*) &c. „

§. XXIV.

*Quesnelli appellatio a summi Pontificis Constitutione.*

Grassante quam latissime diffensionum *Acta publ.*  
 incendio P. Quesnellus, qui pri- *Const. p. 351.*  
 mus ignem subjecerat, haud otiosus  
 spectator esse voluit, sed ex suis Am-  
 stellodamensibus latebris progressus, ad  
 quatuor Episcoporum, & Noailii imi-  
 tationem ipse quoque suam appellatio-  
 nem ad Parisiensem Archiepiscopi Cu-  
 riam transmisit: Quantum vero in sua  
 pervicacia obduruerit, luculentum ni-  
 mis testimonium reddidit in præfatio-  
 ne sua, quam die octava Augusti suæ  
 appellationis literis præfixit. In ea  
 enim exponit, quod non modo amico-  
 rum sollicitatione, sed & proprio reve-  
 rentiæ debitæ stimulo incitatus, cele-  
 berrimorum Præsulum, & Matris suæ  
 Facultatis Theologicæ Parisiensis ap-  
 pellationi inhærere statuisset, id tamen  
 dif-

(\*) Hæc epistola asservatur in Archivo  
 Conventus Augustani Carmelitarum Discal-  
 ceatorum.



Sæc. XVIII. differre voluerit, ne Noaillium Archiepiscopum suum, quem tamen prima Aprilis die appellaturum comperiisset, præveniret: nunc vero de ejusdem appellatione die tertio ejusdem Mensis interjecta certior factus, tandem die decima quinta Julii literas suæ appellationis ad Concilium Generale signasset: Cum autem hæ literæ, utpote in quibus præter allatas appellandi rationes, insuper Constitutionis nullitatem demonstrasset, illas ob suam molem ab Episcopali Curia recipi veritus esset, eas actis inseri, ad tempus magis opportunum reservavit: considerans autem, se jam octogesimum tertium ætatis annum fuisse emensum, & facile subitanea morte a legitima suæ appellationis declaratione præpediri posse, hinc demum alias literas, veluti prioris appellationis compendium die decima quinta Julii confecerit, hæcque die vigesima tertia ejusdem Mensis ad acta Archiepiscopalis Curie relatae fuerint. Postea prævenire nititur objurgationem eorum, qui duriores & obedientiæ ac venerationi Episcopis, & Episcoporum primo debitæ contrarias expressiones in ejus scripto forsuggillarent; asseruit, se proprie nec contra Papam nec contra Episcopos verum exaltare, sed contra Molinistas & depræ-



depravatæ ac laxioris doctrinæ Affer- Sæc. XVIII.  
tores, qui suis artibus Pontifici hanc A. C. 1717.  
Bullam ab ipsis fabricatam, & defuncto  
Regi Instructionem Pastoralem suppo-  
suerunt: se veram Pontifici quidem  
obedientiam profiteri ajebat, teste au-  
tem Toletio Jesuita, *non sufficere obedi-  
entiam tantum, sed debitam, quia cum abs-  
que rationabili causa aliquid præcipitur,  
non debemus obedire (a) sicut ergo, juxta  
Bellarminum (b), licet resistere Pontifici  
invadenti corpus, ita licet resistere invadenti  
animas, vel turbanti Rempublicam, Et  
multo magis, si Ecclesiam destruere nitere-  
tur, quod autem Constitutio Unigenitus  
sit fidei & moribus Ecclesiæ Catholicæ  
contraria, constare ajebat Quesnellus,  
ex eo, quod ingens Episcoporum & Fa-  
cultatum Theologicarum numerus ta-  
lem esse judicet.*

Ceterum binæ Quesnellianæ appel-  
lationis literæ nil nisi querelas, spe-  
ciosos Præsulum renitentium obtentus,  
falsasque criminationes, vanaque sub-  
terfugia & centies recoctam crambem  
continent.

Nn 2

§. XXV.

(a) Instruct. Sacerd. l. 5, cap. 4.

(b) Lib. 2. de Rom. Pontif. cap. 22.